



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Caput VIII. Honorius III. Reverendissimæ in Christo filiæ Illustri Reginæ (a)
Vngariæ.

[urn:nbn:de:hbz:466:1-74526](#)

CAPUT VIII.

Honorius III. Reverendissimæ in Christo filia Illustri
Reginæ (a) Vngariae.

Cum sicut ex relatione dilectorum filiorum Capituli (b) Oradiensis nobis innovuit, devotionis zelo succensa, eorum feceris Ecclesiam consecrari, profectò speramus, quod zelus ille, qui te ad ejusdem Ecclesiae consecrationem induxit, te quoque ut & dote ei conferas, debeat animare: & quidem cum non sit Ecclesia, nisi de dote prouisum ei fuerit, consecranda, eo liberalius ad dotandam prædictam Ecclesiam aperire manus munificentia tua debes, quo facilius potes id facere, & ad hoc fortius, tanquam ex debito, jam teneris.

NOTÆ.

(a) **U**ngarie.] Ita festiuo inscriptionem, & textum ex quinta compilatione Honori III. sub hoc tit. cap. unic. ubi notavit Cironius, praesentem epistolam missam esse Gertrudi uxori Andrea II. Hungariae Regis, filia Bertholdi Ducis Moraviae vel Beatrici uxori secundæ dicti Andreae.

(b) **O**radiensis.] Legendum esse Waradicensis, jam notavit Cironius in presenti. Waradin autem est civitas Episcopalis Hungariae, suffraganea Archiepiscopi Colocensis.

COMMENTARIUM.

Ex hoc textu sequens communiter deducitur assertio: *Qui fecit Ecclesiam consecrare, teneatur eam dotare.* Probat eam textus in cap. nemo, de consecr. distinct. 1. cap. pia mentis 16. qnaf. 7. Concl. Brachar. 2. can. 5. relatum in cap. plancit 1. qnaf. 2. Concil. Aurel. 4. can. 33. ibi: *Si quis in agro suo, aut habet, aut postulat habere diaecum, primum et terras ei deputet sacrificantes, et clericos, qui ibidem sua officia impleant, ut sacra locis reverenter condigna tribuantur.* D. Gregorius lib. 2. epist. 9. ibi: *Timothae in Istris famina peccatorum nobis insinuatione suggestus, quod habetur in subditis, intra civitatem Ariminensem, in loco iuriis sui oratorium se pro sua devotione fundasse, quod in honorem Sancte Crucis desiderat consecrari:* et ideo frater charissime, si tua civitatis iure memorata consecratio constitit, et nullum corpus ibidem consolat humatum esse, percepta primus donatione legitimam. & consecrabz. H. Raldus Episcopus Turon. in suis capital. cap. 46. *De edificationibus Ecclesiærum, ut nullus antea fundamentum jactat, donec Episcopus veniat, et in medio crucem figurat, et sic accepta dote, confixandi licet iam tribuat.* Concil. Wormat. tempor. Hadrianii II. cap. 3. cap. final. de jurepatron. in 5. compil. ibi: *Cum igitur sicut nostri est auribus intimum, quedam Ecclesia regni tui, quarum omnium est patronus, non habere terram liberam afferatur, Serenitatem tuam rogamus, monemus, et hortamur attente, quatenus cum indecens modis omnibus videntur, ut Ecclesia memorata competenti dote penitus sint expertes, ipsarum cuiuslibet saltem triginata pafus terra, juxta canonicas sanctiones in liberam eleemosynam extra ceterum à parte quilibet earundem ad domos clericorum facientes ibidem liberaliter largiaris.* Synod. Valentina sub D.D. Gonzal. in Decretal. Tom. III. Pars II.

Lothario, cap. 9. *Secularares, & fideles laici si comedere voluerint basilicas in predictis suis, sicut edictum prissimorum Augustorum continet, unam columcam vestitam cum tribus mancipiis donationis (alias dotti) gratia eis conferant.* Carolus Magnus in suis Capitul. cap. 229. *Nemo (inquit) Ecclesiam adficeret antequam civitatis Episcopus veniat, & ibidem crucem figurare publicè, & ante prefissat, qui adfiscare vult, quod ad luminaria, & ad custodiā, & stipenda custodum sufficiat: & sic facta donatione, domum adficeret.* Imperator Jultinus in novel. 67. *Ut nullus adficeret, ibi: Qui nominis causâ ad opus sanctarum Ecclesiarum accedunt, deinde eas adfiscantes, nequaquam curam ponant, ut expensas eis quoq; exponant decentes, & ad luminaria, & ad obseruantium alimenta, & ad sacra mysteria vel ministeria, sed deferant eas in nudis adficiis constitutas.* Concil. Toletanum 3. can. 15. ubi Episcopis interdicitur Ecclesiam consecrare, nisi prius dotti chartam confirmatam habuerint. D. Chrysostomus homil. 18 in Acta Apostolorum, ibi: *Quasi, inquit, ducta uxore, vel sponsa, vel dotata virgine, sic erga Ecclesiam affectus sis, dotem inscribi illi: ita tibi benedictionis premium multiplicabitur.* Et l. 2. & 3. titul. 10. partit. 1. Illustrant ultra congettos à Barbola, & Garanna in presenti, Cironius ad hunc textum, le Maistre lib. 1. de jurib. Eccles. cap. 7. Canisius in cap. 3. de jurepatron. Gentilis in notis ad apolog. Apulej. fol. 315. Filiscacus in cap. 4. de offic. Ordin. Ballamon in can. 17. Concil. Nicenæ 2. Loaysa, Binius, & Corjolanus in dict. can. 5. Concil. Brachar. 1. Hunnius in encyclop. tit. 1. cap. 2. Lanctinet, lib. 2. de veteri mon. cap. 38. Bignonius in notis ad Marculsum, fol. 521. Petrus Gregorius lib. 1 partit. tit. 28. cap. 9. & de benefic. cap. 15. Bulengerus lib. 3. opus. cap. 40. Antonius Augustinus in epist. 15. tit. 15.

Sed hæc assertio difficultis redditur sequenti juris consideratione; nam Ecclesiam nihil posse considerare posse, tam in communi, quam in particulari, probari videtur ex Salviano lib. 2. ad bicamdi. Eccles. Casbol. pag. 339. ubi de divinitate Ecclesie loquens ait: *Impedimenta haec, adjuncta onera, non subidia; possessione enim, & usu opum non sufficit religio, sed evertitur.* Unde Christus Dominus dum in hoc saeculo vixit, nullam possessionem habuit, immò de crastino non esse cogitandum, verbo, & exemplo docuit. Igitur non rectè in presenti adeo dos Ecclesie procuratur.

cccc. 3. ut

utlaicus, qui eam construxit, dotare cogatur. Augetur hæc dubitandi ratio ex eo; nam constructio Ecclesiæ in præsenti casu ex liberalitate, & munificentia Reginæ Ungariæ cœpit: sed donare, aut majorem liberalitatem exercere nemo cogitur, *l. absenti. ff. de donat. 5. 1. Inst. cod. 11.* Donatio enim actus merè voluntarius est, & nullo jure cogente fit, *l. donari. ff. de donat.* Seneca *lib. 3. de benefic. cap. 19.* ibi: *Beneficium id est, quod quis dedit, cum illi licere non donare.* Cicero orat. 37. in Pisonem, ibi: *Qui modus tibi frumenti estimandi? Que honoraria? Si quidem potest vi, & metu exortum honorarium nominari.* Quintilianus declamat. 7. *Omnium beneficiorum ista natura est, ut non sit necessitas, sed potestas, quod in honorem alius intrinsecus est.* Definit priuilegium vocari posse, *ff. cogas.* Cuncta (*si videtur*) iura procurrito, *nisi quam adeo pro nobis sollicita lex est, ut quod praeseat, extorqueat.* Ergo Reginæ Ungariæ non debebat cogi Ecclesiæ jam constructam dotare. Accedit, nam si semper qui construxit Ecclesiæ, cam dotare cogeretur, nunquam eveniret, ut unius, ejusdemque Ecclesiæ alius esset patronus ratione constructionis; & virtute donationis alius, ut supponitur in cap. p. m. enī 16, quæst. 7, cap. novit, de jure patr. ubi etiam probavi juspatronatus acquiri ex constructione Ecclesiæ, & ejus donatione: ergo quia non semper qui construit Ecclesiæ, cam dotare cogitur.

De loco ubi Ecclesia construuntur.

Quæ difficultate ita fulcitur non obstante, verâ est præfens assertio, pro cuius expositione sciendum est, nonnulla necessariâ obseruanda esse in Ecclesiæ constructione, & dedicatione antequam ab Episcopo consecratur. Primo locus, seu area Ecclesiæ construenda definita libera esse debet ab omni humano dominio, seu jure; ideoque forsitan jure civili non licetabat locum sacrum construere, nisi cum assensu Principis, *l. sacra loca, ff. de rerum divis.* nec locus sub conditione legatus dedicari propter spem domini, *l. floures sub conditione, ff. de relig.* nisi ut testator ipse sepeliretur; quo causa exaudiendus est textus in *l. n. ff. ut in possej.* ergo antequam extrahatur Ecclesia, locus est ab omni prophana ditione eximendus, ita ut nec Princeps in eo ullam retineat potestatem. Unde legimus apud Ordericum Vitaliem *lib. 3. his. Eccles.* quod cum locus exstruenda Ecclesiæ S. Ebruli destinatus esset, nobiles Nörmanniæ omne ius, quod sibi in eum locum titulo dominii habere poterant, ejuravunt; quod & Dux confirmavit solenni diplomate: *Locum (inquit Ordericus) nominatum, communis consensu ita liberum tradiderunt ejus intela, ut nec sibi, nec aliis quibuslibet aliquam adiuetu- dinem, aut redditum, præter beneficia orationum à monachis liceret, vel hominibus eorum exigere:* Dux autem bona voluntati eorum grater acquevit, & testamentum de rebus, quas optimates sui sancto Ebrulio dabant, confirmavit. Inde etiam provenit, ut licet regulariter nemo venderetur propriam compellatur, *l. invitum, C. de contrah. emption.* *l. nec emore, C. de jure delib.* tamen religionis favore ut Ecclesia construatur cogitur dominus justo pretio accepte fundum distrahere, argumento textus in *l. si quis sepulchrum, ff. de relig.* *l. Lucius, ff. de evit.* *l. in communes, C. de communi servis;* *l. item si verberatum, §. item si forte, ff. de rei vendic.* docuerunt latè Covar. *lib. 3. variar. cap. 14. num. 7.* Cuja-

cius *lib. 3. observ. c. 22.* pluribus relatis Hemorilla in *l. 3. gloss. 1. tit. 5. partit. 5.* Secundò desideratur ad Ecclesiæ constructionem, ut in ipsa area, ubi sacræ aedes construuntur, non sint sepulta defunctorum cadavera; immo si tumulata reperiuntur, exhumentur, & extra præsidentur, propter incertitudinem, an Catholici, Heretici, vel Gentiles ultimum diem clauerint. Unde cum sanctus Frodoberhtus Trecensis Episcopus rogaret Ecclesiæ construere in loco ubi corpora defunctorum jacebant, ante consecrationem iussit ea erui, & aportari, ut refetur in annalibus Trecensibus editis per Nicolaum Camuzatum; ibi: *Is ad prædicta Basiliae consecrationem à fratribus evocatus, diligenter percutatur, utrum inter sarcandos parvæ sepulcrorum cadaveræ tegerentur.* Cumque comparsa inesse quamplurima, universi prius de templo diminanda præcepit, contestans se non altera consecrationis officium suscepturn. Ita etiam D. Gregorius *lib. 1. epist. 22.* Surrentino Episcopo iussit consecrari monasterium S. Stephani, ea conditione videlicet, si eo loco constructum sit, ubi nullum corpus fuerit humatum. Eadem conditionem apponit in consecratione oratori per Timotheam matronam conditi, *lib. 2. epist. 9.* & *lib. 5. capitul. cap. 4. 8.* ita caveatur: Ecclesiam, in qua mortuorum cadavera insidelium sepeluntur, sacrificare non licet: sed si apta videtur ad consecrandum, inde evulsis corporibus, & ratis, vel locis lignis ejus, readificetur. Quia immo si locus ille fuisset commercio hereticorum inquinatus, nefas erat Ecclesiæ illuc extrui. Concil. Epauense can. 33. ibi: *Basilicas hereticorum, quas tamè excruciatione habemus exofas, ut polluionem eorum purgabilem non putemus, sanctis uerbis applicare despicimus: sane, quas per violentiam nostrâ abstulerant, possimus revocare.*

Tertiò, cum in ipsa Ecclesia sub altâ principali condende essent Sanctorum reliquias, *l. iuxta trâdita supra in cap. 1.* & ibi ad divina Ecclesiæ officia celebranda necesse sit adfici Sacerdotes, qui Martyrum reliquias affidio famulari deferiant, & in ornatâ ædibus sacris cultum, atque ornatum comparent; & quia inter ipsius Rectorem, & Ecclesiæ conjugum spirituale contrahitur; ut probavi in *cap. inter. de translat.* Episcop. non incongrue bona hac dote Ecclesiæ appellari SS. PP. suprà, *num. 1. laudat;* & Lucius *in epist. unic. in princip.* ibi: *Symphacti vos à quibusdam non rectam fidem tenentes, aquæ uerbras Ecclesiæ suis dobitibus solari.* Synodus Valent. sub Lothario can. 9. *Dates à fideliū designatae basiliæ, ad hoc, quod statim est, vindicentur.* Tolet. 3. sub Recharedo, can. 2. ibi: Ecclesia ex dote, quam largitus est, qui illam adficiavit, presbyterum habeat. Coloniensi sub Carolo Crallo can. 4. ibi: *Nec ex dote Ecclesiæ, id est ex uno manu, & quantum maxime sensus exigatur.* Trosclian. can. 6. *Das Ecclesiæ libera omnino ab omni sensu.* & tributo persinat ad presbyterum. Et can. 3. Synod. 6. & *lib. 5. Capitul. cap. 69.* in diplomate Ottonis I. ibi: *Dotem quoque Ecclesiæ, id est duas habas posse;* & beneficium presbyteri in eodem loco deferuenti. Nec novè hac voce utiatur Ecclesia PP. nam & Gentiles possessiones templorum dotes corum dicunt. Ovidius *lib. 10.*

Temploq; accedere desit;
Hanc iusseri meis

Id est agrum Damascenum. Cenforinus de die natali, ibi: *Et cum agros, atque urbes, Deorum munere possiderent, partem quandam templis, faciliisque, ubi eos colerent, dicavere.* Alio sensu Optatus Milevius, lib. 2. de schism. Donatist. contra Parmenianum Ecclesia dotes nominat prærogativas, intelligens Ecclesia, ut exponit Hennelius de dotalit. cap. 1. Qui ergo vult Ecclesiam adficare, prius debet dotem assignare, & instrumentum dotale conficere, de quo Imperator Zeno ita fanxit in l. 15. C. de sacrof. Eccles. Si quis donaverit aliquam rem mobilem, vel immobilem, vel se moverent, aut jus aliquod persona Martiris, aut Prophetæ, aut Angeli, tanguam ipsi postea oratorium adficaturus, & donationem insinuaverit apud quos necesse est, cogitans opus, quamvis nondum inchoatum fuerit, pericere per se, vel per heredes; & perfecto opere, dare ea, quia donatione continentur. Etiam constructa Ecclesia dotem ipsam promissam tradere debet, in cuius traditione pro adipiscenda possessione retum, olim quibusdam traditionibus symbolicis Ecclesia utebatur, ut retuli in cap. 2. de confœr. Et tandem chartam ipsius donationis, ubi accuratè omnes possessiones, & res pro dote Ecclesia tradita recensebantur, & incribabantur: cuius chartæ exemplar ex antiquitatibus Alemanni referuntur. Maistre lib. 2. de iuribus Eccles. cap. 7. & chartam donationis Ecclesia Toletana ab Alfonso Castellæ Regæ factæ, referunt Loysas inter Concil. Hispan. pag. 197.

Deinde sciendum est, quod sicut in dote nuptiali attendunt conditio contrahentium, quoad dōtis modum, & quantitatem, l. quero, ff. de jure dōt. probabimus infra in cap. 1. de adulter. ita olim non omnibus Ecclesiæ dos aqua fuit: pro numero enim Sacerdotium, vel monachorum pinguior dos constituebatur, ut ex ea ministri omnes comodiè ali posset, neque prophani artibus operam dando cogerentur dignitas futæ, & religionis majestatem dedecorare. Ita majorum tuorum providentiam laudat Justinianus in novella 3. his verbis: *Déprobemus eos, qui sacra sanctam aliquam Ecclesiam in hac alma urbe exadficaverunt, non solum turram edifici geisse, sed etiam usus sacris adibüs, quas ipsi instituerent, sufficiens erogatio suppetret, ut que defirent, quod per singulas Ecclesiæ presbyteros versari conveniret, quoniam Diaconi, vel mares, vel feminas, quot subdiaconos, & item cantores, simul & lectores, & officiariorum; adhuc editi sumptum adficisse.* Præterea peculiares redditus, qui instituto huic suo satis essent: nec multitudine fuit aliqua adjecta, cui exinde competens solutio fieri non posset. In Concilio Valentiniiano Galliæ sub Lothario, cap. 9. ita legitur: *Ipsi seculares, & fideles laici, si condere voluerint basilikas in predictis suis, sicut edictum piissimumm Augustorum continet, unam colonicam vestimentum cum tribus mancipiis donationis gratia eiconferant, maxime Episcoporumjuri, & sanctam mari Ecclesiæ eandem basilikam submittant.* Alter verò nos Episcopos; earum consecrationem sciam non impleturos. Colonia autem est villa, seu villula cum modo agri, quantum colonus sui colere potest, nec admodum à manu dilat, ut probavi in cap. 11. de censibus. Ut ad modum dotis Ecclesiæ redemus, certè in Oratoriis ratio habeatur clericorum, qui illic erant instituendi; nam si forte sacerdotes assumendi erant, pinguiori reddi-

tu dotabantur, quam si inferioris gradus clericorum, veluti Diaconi, aut Ostiarii. His enim sufficiebant mediocres sportulae, quia illis nihil incumbebat oneris praterquam ædem sacram purgare, & candelis ac luminibus moderari, ut definitum fuit in dicto Concilio Tolet. 3. sub Recharredo, can. 2. ibi: *Placuit Dei sacerdotibus, ne quisquam infra suam parviciam Dei analam inquirat; & mansificus ille, qui sanctam Dei edificaverit Ecclesiam, quod ibidem pro suo heredi targitus est, eodem loco presbyter secundum priorum canonum instituta defervens habeat: & si presbyterum ea facultas habere non permittit, vel Diaconus institutus: certè si minor est census, ostiarius à Sacerdotiis sit electus, qui nitorum infra sinus sanctorum Ecclesia faciat, qui & sanctuarum reliquiarum luminaria omni subsequenti nocte accendat.* Exco fortasse, quod aliqua Ecclesiæ fundatæ essent, ut aliorum Ordinum, præterquam Ostiariorum ministerio non egrent; manavit forsitan origo beneficiorum, quæ vulgo simplicita dicimus. Fuisse autem Ecclesiæ quasdam, quas non presbyteri, aut Diaconi, sed inferioris nominis, ac gradus clericorum regerent, abundè liquet ex D. Gregorio lib. 2. epist. 19. ubi Ecclesiam S. Agnetis quæ in via suburbana constructa erat, commendat curæ Leonis cujusdam acolythi, cui propter ea assignat pensiones certarum domorum. In monasteriis vero pro numero monachorum dos constitui debebat. Qui autem numerus ad conficiendum monasterium sufficiat, canon 16. Synodi Trul. & ex eo le Maistre d. lib. 2. cap. 8. assignat. Si autem Ecclesia parochialis construatur, dos competens debet constitui saltem vieti duorum, presbyteri, inquam, & clerici ad minus; quia non potest presbyter celebrare, & divina officia solus exequi; cap. 12. quisque, de vita & honest. cleric. cap. propositi. de filiis presbyt. Expediret tamen, si fieri posset, duobus presbyteris parari necessaria, ut si forte unus in casu aegritudinis incidere, alius vices ejus suppleret; cap. illud 7. quæst. 1. & aliquando placuit, ut dos tribus ministri sufficeret, cap. illud quæque de confœr. dist. 1. Ultra etiam debet esse dos congrua ad onera Episcopalia solvenda, & hospitalitatem exercendam, cap. de monachis; de prebend. cap. 2. de suppl. neglig. cap. de prab. in 6.

Quibus ita animadversis appetet vera ratio præsentis decisionis; nam cum in præsenti spe- tradit. rasio deci- dicione Reginae Hungarie fundasset, construxisset que Ecclesiam, tacite se obligavit ad ejus donationem; siquidem iuxta canones antiquos Ecclesia non potest conferari sine congrua doce; nec solum ipse, qui construxit, tenetur eam dotare, verum etiam heres ejus ad ipsum compelli valet. Leo Imperator novella 14. ubi statuit, ut si quis adificaverit monasterium, nec dotem sufficienter dederit, & moriatur ab intestato, relictis liberis, si tres sim liberi, monasterium, seu Ecclesia quadrantem bonorum ejus habeat; si ultra plures reliquerit, in succedentes liberos conuinerebunt monasterium, & accipiat deducto ære alieno quantum quisque accepit: quod si defunctus mortuus fuerit sine liberis, relictis parentibus, dividatur substantia inter parentes proximos, qui unam partem; & monasterium, qui aliam partem dimidiam accipiant: si parentes non superfluit ad hec filii; sed tantum agnati; bcs bonorum ad

In Librum III. Decretalium,

852
 monasterium perveniat, triens ad cognatos; si vero fundator testatus sit, & nihil reliquerit monasterio, ut Antistes loci sufficientem monasterio partem accipiat, reliquis juxta statum valituris. Immò Glosa in praesenti, verbo *Consecranda*, docet quod si Episcopus omittat exigere cautionem datis, & sine ea Ecclesiam consecret, tenetur Ecclesiam illam dotare, ut tenetur providere de necessariis ei, quem sine titulo ordinavit, cap. 2. ubi probavi, de preb. Quod tamen Bernadas Glosator verum credit, dummodo Episcopus possit eam dare de bonis propriis sine praedictio propria Ecclesie, ne delictum ipsius nocet Ecclesie, cui praest, cap. 3. 16. q. 7. Tandem P. Gregorius de benef. cap. 15. num. 3. hoc verum existimat, si prius diculæ fuerint facultates fundatorum, & fuerint inventæ non sufficientes; & eo casu in subsidium dandam esse in ipsum Episcoporum actionem, argumento legis 3. §. 1. ff. si mensuram falsum modum, l. fin. §. final. ff. de eo per quem factum fuerit. Sed licet Episcopus possit dotem exigere; non tamen aliquid munus pro ipso consecratione petere valeat, sed tantum recipere, si sponte offeratur, cap. 1. 1. q. 2. cap. ult. 1. q. 3. Concil. Pictav. can. 4. Nullus Episcopus pro sacra Ordinibus, vel pro Ecclesiastis benedictionibus munus accipiat. Aquisgran. 2. sub Ludovico, p. 1. cap. 5. Nullus Episcoporum deinceps pro dedicatione sancta Ecclesie aliquid exigere præsumat. Refert Antonius Augustinus in epist. lib. 4. tit. 47. quo modo accipiens est quod legimus apud Hermoldum in Chron. Sclavor. lib. 3. cap. 21. Episcopum omnibus bonis ac facultatibus exstum, fato, ac miseria temporum suorum, ex consecratione altarium, & cathedralico viatissim: Hartnicus, inquit, Bremenensis Episcopus necessitate compulsius ministerialium redditus Episcopales per triennium abjuravit, ut infra tempus illud omnia ex integro solverentur. Episcopus vero ex his, quæ cathedralico, vel consecratione altarium consequi poterat, vacitabat.

Nec obstat dubitandi ratio supra adducta, quā mox Waldenses tenuerunt, Ecclesiam, aut ejus ministros, rerum temporalium, maximè immobilem, dominium obtinere non posse, & peccare Principes Ecclesias dotando. Quem errorne sequunt fuerunt Wiclephus, & Lutherus, ut refert Arsfeldius histor. Wicleph. cap. 2. his verbis: *Omnes possessiones non monachis modo, sed universo profus clero eripi, nec solidum aliquem, aut stabilem ei decimarum fractuum reliqui. Dotare Ecclesiam est contrarium sacra Scriptura, & contra regulam Christi. Sylvester Papa, & Constantinus Imperator erraverunt Ecclesiam dotando. Papa & omnes Cardinales, & Clerici possessiones habentes sunt heretici, & laiciconsentientes, Imperator, & seculares sunt seducti à Diabolo, ut Ecclesiam dotarent bonis: Sacerdotes Veteris Testamenti vivebant ex proprietario: Ecclesia non habuit dotem, vel possessionem rei immobilia ante Constantimum Magnum: non est sacrilegium auferre res Ecclesiæ datas, & Deo consecratas; immò debent Principes sub pena damnationis auferre bona temporalia à Clero habitualiter peccante. Iustum errorum penè consepultum restituit Lutherus; nam cum impi harreti sectas suas stare non posse animadverterent, nisi Principum, & Magnatum patrocinio niterentur, existimarent eos posse facili negotio in suas partes abduci, si ad Ecclesiam*

prædam accerferent, persuaderentque posse Ecclesiam illis, quibus dotata est, bonis non solum impunè, verum & religiose spoliare. Qui error damnatus fuit in Concilio Constantiensi, & rectè, nam Ecclesiam à primis eius saeculis bona propria, peculiareque patrimonium habuisse, confitat ex D. Ambrofio relato in cap. aurum 70. 12. q. 2. cap. quatuor 27. cum sequent, eadem q. & suppellecilia pretioli ciam persecutionis tempore Ecclesiam habuisse, ex D. August. & Optato refert Baronius tom. 1. ann. 57. num. 81. & tom. 2. anno 223. num. 3. prædictaque possedit confitat ex cap. nulli 27. 12. quæst. 1. cap. non licet 12. q. 2. cap. 1. cap. si quis 6. cum sequent. cap. ad audiencem 9. cum sequent. de rebus Eccles. probat Duaremus de sacris Eccles. ministr. lib. 2. cap. 1. Robertus lib. 2. verum quodid. cap. 2. Quintanadyennes lib. 1. Eccles. cap. 2. num. 8. Lefsius de justitia lib. 2. cap. 4. dubit. 7. Molina codem tractat. tom. 1. diffus. 142. Bellarmine tom. 1. controv. lib. 1. de Eccles. cap. 5. Joannes Pollemar, in oratione habita in Concilio Basileensem, qui extat tom. 4. Conciliar. Basili. p. 1. le Maistre lib. 1. de jurib. Eccles. cap. 1. fuit Valenzuela contra Venetus 3. p. per totam. Nec faverit Waldensibus dicta auctoritas Luce cap. 14. quæ est accipienda de preparatione mentis, ita ut anime debeat omnes fideles paupertatem sectari; non de vera renunciatione, & abdicatione bonorum temporalium, ut ex D. Augustino epist. 5. ad Marcell. explicat Bellarmine ubi supra; nam ut inquit Salvianus lib. 1. ad Eccles. Cathol. non sunt ipsæ divitiae per se noxii, sed mentes male utentium criminosæ. Et si de renunciatione temporalium bonorum locus ille acciperetur, non solum prætereret Ecclesiæ, & Clericis temporalis domini obtinendi capacitatem, sed etiam omnibus fidelibus laicis: quod per absurdum est, ut jam notavit Joannes Pollemar, ubi supra. Nec exemplum Christi Domini, quod adversarii adducunt, pro eis facili siquidem verius est, Dominum nostrum facultatis aliquas, etiæ tenues, possedit, ut libi, & suis vicini pararet, ut declaravit Joannes XXII. in extrava. 4. & 5. de V. S. & notavit Bellarmine, & Pollemar supra. Necesse revocare licet statutum Ecclesiæ præsens ad tempus illius nascentis, quo Praetati contenti elemosynæ fideliū collectas diebus tantum Dominicis faciebant, ut ait Socrates lib. 7. histor. cap. 12. conflatque ex epistola 11. Pauli ad Corinth. cap. 16. & ex traditis a Leone Papa serm. 2. 3. & 5. Baronio tom. 1. anno 44. num. 68. Eo enim tempore tanta pecunia quantitas colligebatur, ut quæ supercerat, in gazophylacium reponeretur. Baroni supra, num. 69. Sed postquam charitas coepit tepercere, elemosynæ, & collecta munus fructuosa fuit; quare justè cautum fuit, ut Ecclesia absque competenti dote non consecraretur. Inde obiter cognoscitur iniquitas constitutionis Diocletiani, & Maximiani in 1. collegium 8. C. de hæredit. inst. quatenus odio Christianorum, ut notavit Robertus d. cap. 2. fol. 124. statuit nullum collegium hæreditatem capere posse, ut Ecclesiam arceret à bonorum temporalium dominio: quod etiam circa clericos cautum fuit in l. alla, C. Theod. de Episcop. & Cleric. in quam invehitur D. Hieronymus in epist. ad Neposianum, his verbis: *Pudet ducere, Sacerdotes idolorum; mimi, auriga, & scota hæredi-*

rates capiunt : solis clericis hoc legè prohibetur , & prohibetur non à persecutoribus , sed à Principibus Christianis . D. Ambrosius ad Valentini epist. 31 . Nobis etiam privata successione emolumenta recentibus legibus denegantur , & nemo conqueritur ; non enim putamus injuriam , quia dispensium non dolemus . Notavimus in cap. 3. de testam . Nec obstat augmentum primum ipsius dubitandi rationis ; nam qui contruit Ecclesiam , ut suprà probavi , tacite obligatur ad ejus dationem ; unde non tam liberalitas est hæc dotis constitutio , quam debiti solutio , ut innuitur in ultimis verbis hujus textus ; facitque textus in cap. 1. de donat.

Unde Regina Ungariæ in præsenti specie , quasi ex debito , virtute constructionis Ecclesiæ tenebatur eam dotare . Nec obstat ultimum augmentum difficultatis ; nam variis ex causis accidere potest , ut ejusdem Ecclesiæ alius sit Patronus ratione dotationis , alius constructionis causa , veluti si ille , qui contruxit Ecclesiam , inopia oppressus eam dotare non potuit , aut postquam dotavit , rebus ipsis in dotem datis amissis , alius novam dotem constituit : quibus , & in similibus casibus duo patroni dantur , alius ratione dotationis , alius constructionis causa .

C A P U T I X.

Gregorius IX. (a) Astoricensi Episcopo.

A Quà per Episcopum benedictâ , Ecclesiam reconciliari posse per alium Episcopum non negamus , per Sacerdotes simplices hoc fieri de cætero prohibentes , non obstante confuetudine provinciæ Bracharen . (quæ dicenda est potius corruptela:) quia hæc Episcopus committere valeat quæ jurisdictiones existunt , quæ ordinis tam Episcopalis sunt , non potest inferioris gradus clericis demandare . Quod autem mandantibus Episcopis super reconciliatione factum est haec tenus per eosdem , mediocriter toleramus .

N O T Æ.

C O M M E N T A R I U M .

(a) **A** Storicen .] De Astoricensi Diœcesi , & ejus Praefilibus , jam nonnulla notavi in cap. 17. de re iudicio .

(b) **A**quæ per Episcopum benedictâ .] Licet aqua , tam ad administrandum baptisnum , quam pia-
cularis , id est ad peccatorum remissionem , pro
benedictione populi à Sacerdotibus benedicatur ,
ut latè probant de ea , & ejus effectibus agentes ,
Baron , anno 44. num. 88. & anno 57. num. 10.
& anno 132. num. 5. Turrianus pro canon . Apoſt.
lib. 3. cap. 6. & lib. 5. cap. 4. Joan. Dartis ad diſt. 3.
de conſer. Marſil. Colum. de aqua benedicta ,
Osſius in confeſſ. Polon. cap. 80. Creditus Alanus
lib. 4. dialog. cap. 3. Lindanus Panop. cap. 99. Ge-
nebrardus in Pſalm. 150. num. 4. Didacus Payva
lib. 4. orthodox. Grethiferus de benedict. lib. 3. cap. 4.
& 5. Turrianus contra Magdeburg. lib. 3. cap. 6.
& 9. Theophilus Raynaud. tom. 15. in Heterocl. ad finem , fol. 557. & tom. 16. codem tralat. p. 2.
punct. s. Durantius lib. 2. derūbi. cap. 21. Bellar-
minus tom. 3. contro. lib. 3. de Sanctis. cap. 7. Lu-
cas Tudensis lib. 2. contra Waldens. cap. 5. No-
varinus lib. 6. aqua nuptialis , cap. 123. Serarius
lib. 1. opusculorum , cap. 6. Forcatul. in pen. juris
civil. cap. 19. Franc. Valens in concord. jur. in
proem. 6. cap. 4. Bosquetus in notis ad Innoc. III.
lib. 1. epif. 30. Jodocus Coccis lib. 5. thesauri ,
artic. 8. Carrier. tom. 2. fol. 532. Saufay in Panop.
Sacerd. p. 2. lib. 2. cap. 6. per totam . Tamen hæc
aqua , que cum cinere misceatur pro reconcilia-
tione , aut consecratione Ecclesiæ , tantum per
Episcopum benedicitur ; unde ad distinctionem
alterius aquæ vocatur hæc aqua consecrata , ut
probant Antonius Marſil. de aqua benedicta , cap. 5.
num. 2. Turrianus pro canon . dicto lib. 3. cap. 6. &
d. lib. 5. cap. 4.

EX hoc textu communiter sequens deduci-
tur assertio : Simplex presbyter non potest Ec-
clesiam consecrare , nec eam violatam reconciliare , probatur .
etiam ex delegatione Episcopi . Probant eam textus
in Concil. Tolez. 8. can. 7. ibi : Quæ de re noſe nos
convenit , quod Episcopalis eminentie culmen non
immerito ſacris omnibus eſſe ſumma percepit , quæ
ceteris Sacerdotibus exercenda prohibuit ſicilicem
plorum Dei ſacracionem chrisma benedictiōnem , ſa-
crorumque ordinum iſtitutionem ; qua tamdiu ali-
ter ordinatus perficitur , quam excellentiſſime con-
ſervuntur ; quia & tanto ab eis singulariter imper-
duntur , quanto eidem ſummo culmine peragenda
ſervantur . Concil. Hispal. 2. can. 7. ibi : Nam
quamvis cum Episcopis plura illis (presbyteris)
minifteriorum communis ſit diſpenſatio , quedam no-
velis , & Ecclesiasticis regulis ſibi prohibita no-
verint ſicut & Presbyterorum , & Diaconorum , ac
virginum consecratio ; ſicut conſtitutio altaris , bene-
dictio , vel unitio : ſi quidem nec licet eis Eccle-
ſiam , vel altarium consecrare . Wormat. can. 8.
ibi : Iḡur presbyteris , quamvis cum Episcopis
plurimam iſteſorum communis ſit diſpenſatio , qua-
dam tamē auctoritate veteris legis , quedam novel-
is , & Ecclesiasticis regulis ſibi prohibita noverint .
Conſecratio ergo virginum . & benedictio , vel unitio
altaris à presbyteris minimè ſiat : ſimiliter non li-
cet eis Ecclesiæ consecrare . Carolus lib. 7. Capitul.
cap. 159. cap. nullus , cap. nulli , de conſer. diſt. 1.
Eandem potestatem conſerandi , & reconcilian-
di Ecclesiæ , Episcopis competere docuerunt
Clemens in cap. hic ergo , de conſer. diſt. 1. Leo
epif. 88. Felix IV. epif. 1. Hilodus epif. ad Lm-
difredum . Illuſtrant ultra congettos à Cenedo
in collect. ad Decret. collect. 135. Barboſa hic , & de
potest. Epifcop. alleg. 28. num. 56. & lib. 1. juris Eccle-
ſ. cap. 4. num. 28. Vazquez 3. p. in 3. p. D. Thome ,
diſput. 243. cap. 4. Germonius lib. 3. deſacror. im-
munit.